

Hiai a kipan in sinlai khat theithak ni: **'Galdouna vanzat a 'Pathian zat' leh 'Pathian neih' kibangloul ahihdan phawkhak ni.**

Nihna ah; Vv. 12-18 ah Siampu Eli' tapate Hophni leh Phinehas, Israelte galdouna a va zuitute' sihna thu siampu Eli kiang a hong tung hi. Pathian in Eli kiang a na hihlkhaw, nang khang a kipan a siampu hihna khangui beisak ding ka hi a chih tangtunna a hongsuakta hi (2:34). Siampu Eli tuh thalpak (kithakhoulou) in, a ngawng tattan in si hi. Hiai laibu gelhtu in pilvangkakin galdouna report a gelh hi. **Philistiate'n Pathian' Thukhun Bawm a la mangta uh** chiin a gelh hi. Hebrai thumal in 'gik/ kithakhoulou' (v.18) chih kabed a chi a, 'thupina' (v.21) chih kabod a chi hi. Israel mite'n siampu Eli tungtawn a Pathian' thupina ana ngah ua, himahleh, huai thupina Eli in amah a banga ngaituah ahihman in, a vuallelhna uh pawzoulou a puk in a sita hi.

Thumna ah; Phinehas zi' lungkhamna tuh a pasal sihziak kia ahikei a, a pasal' pa si, a pasal' sanggampa leng si chihthu leh Pathian' Thukhun Bawm lakmangsak a om ahihman in ahi (Vv.

21-22). Huchiin, nauvei in honpha in, nau a hon neita a, a min dingin 'IKABOD' a chita hi. A khatna tuh 'Thupina in Israel a pawtsanta' / 'Pathian thupina koia om ahia?' chihna ahi.

Tulai a gingtute'n Pathian I muanna uh kingakna tuh Pathian sang mah in, Pathian' vanzatte khawng ahi nuam mahmah. Bible Inei ua, huai in hon hondam ding I sa ua, kicheina ding kia a zangin, a sung a thute sim in, lunggel I sawm kei uhi. Israelte'n, Joshua' makaihna a Jericho kulhpi a luhlai ua Pathian' Thukhun Bawm poimohna, amaute vualzohna dingin, a haihkei uhi (Joshua 6:2-20). Himahleh, huai hunin amaute' muanna tuh Pathian ah ahi zaw a, Pathian' Thukhun Bawm ah ahikei hi. Israelte' vualzohna zaw Pathian ziaak kia ahi. Huaiziakin, **Pathian nei Ihi hia**, ahikheileh, **Pathian, galvan dana zang I hi hia** chih kivelchian thak ni. Banah, Siampu Eli bangin, eite'n leng Pathian' hon kepsak hihtheihna I neithe uh mahni ki thupisakna ding a zang in, Pathian' thupina ding ahi chih phawklou a I om nini un I puk ding uh.

Huan, Pathian' Thukhun Bawm Israelte'n, Pathian ana sak hial uh hon khahsuah chiang un, Pathian

PUMSIAT DIMDEM (TOTAL DEPRAVITY)

Rev. H. Chin Thiansong, Coordinator (Ministries)

TULIP kichi ahongpiankhiak dan tuma in igenkhinta uh. Tuin Pumsiat dimdem (Total Depravity) chi a igenzel pen uh saulou in genchet isom ding. Hiai thute isimchiangin hiam ingaihkhiaak chiangin Hotdamna toh kisai ahi chih ilungsim uah koihmasa leng chih ikingen masa uhi.

Tuin Pumsiat dimdem (Total Depravity) chih tuh Eden khelhna a Pukna ziaakin mihing-in amahmah in hotdamna dingin Pathian pomtak gospelte ginna anei theikei. Mikhial tuh khalam thilte a sisa, mitduk leh bengngong ahita chihna ahi. Atunga Pathian in mihing thuneihna a akoih deihnelna zalen (*Free will*) tuh mihing-in sumang ahihmanin deihnelna zalen aneiontakei a, ama pianken siatna a saltansakina om hi. Huaiziakin mikhial Krist kiang piluta aom theihna dingin Kha Siangthou' panpihna tellou in ahitheikei hi; huai tuh Kha-in mikhial ahingsak a, pianzia thak apia hi. Mi khenkhat te'n Ginna pen mihing-in hotdamna dinga Pathian kiang athohkhiaak ahi chimahle uh huai adikkei, mihing khelhna a apuknung Pathian mitmuh a pumsiat dimdem ahi chih igenkhinta. Huaiziakin hiai Ginna tuh mikhial kiang Pathian' thilthawnpiak ahi, Pathian kiang mikhial in thilpiak a apiak ahi kei. Pathian thilthawnpiak hotdamna kalbi chikhat ahijo hi.

Genesis 3:1-17; 6:5. Sam 51:5; 58:3. Johan 3:5-7. Romte 5:12. Ephesate 2:1-3; 5:8. Kolossate 2:13.

Huaiziakin Pumsiat dimdem chih tuh hotdamna toh kisai ah khelhnain mihingte hihtheih neilouin akoih chihna ahi. Mihing tuh khalam ah asisa ahi a, asisa mihing in Pathian lungkimna kham khalam thil hoih or hotdamna atel theikei. Mihing-in taksalam thilte ah sialephatheihna (*Conscience*) leh deihnelna bel anei – Himahleh huchibang mihing a suak deihnelna leh hoihna in Pathian lungkimsak dingin alungtang asukha pha kei. Westminster Thuginpi Puankhainka in hiaithu tomchik lah hingal

NORTH LAMKA PRESBYTERY

October 17, 2015 (Saturday) zinglam dak 7:00 in North Lamka Presbytery Assembly pat hi a, Rev. H. Chin Thiansong, Coordinator (Ministries) in Ordination hun zang hi. Ordination tangthakte:

Elder Ordination Tangte:

01. Suanpau Guite 02. T. Kaizagin 03. T. Pumzanang
04. T. Zuanthang 05. Ginsuanthang 06. Vumzakhual Ngaihte

Deacon Ordination Tangte:

01. Khandailou 02. Paukenkham 03. M. Khaikhothang
04. Tongcha 05. Suan Hauzel 06. Mangsuan
07. V. Daisong 08. T. Thangkhenpau 09. Mangtinlien
10. D. Taizamuan

NLPWF in ordained thakte pakpiakna leh pahtawina bawl uhi. Tua zoh in Presbytery dang apan NLP sung a hong pem upate pomlutna neih ahi.

- i) Deacon T. Piangkholian, ii) Deacon T. Suankhanthang,
iii) Deacon S. Ginzamuan, iv) Deacon L. Thangmang,

2016 budget dingin **1,91,000** pom hi a, kumthak a vaipaw dingte hiai bang ahi. **NLP Vaipawte:**

Moderator : Elder T. Dongzasuan
Vice Moderator : Elder K. Liankhanthang
Secretary : Superintendent
Asst. Secretary : Elder B. Lutthinthang

NLPWC

Moderator : Elder T. Khupzadou
Vice Moderator : Elder V. Tunzalian
Secretary : Superintendent
Asst. Secretary : Elder S. Thangsuanmang

GAWC Palai

Elder S. Haukhup leh Elder T. Thangkholian

Toupa Pathian bangkimhithai, a theipi kung ahong seldekta hi. Mosi in Israelte Aigupta sal apan a suakta sak a, tuhun a hon suakta saktu bel i Belannou Jesu Khrist ahi. Van a a paitouh khit in eite (amah a te) hon ompih dingin Khasiangthou ahon sawl hi. Huai, ahon sawl Khasiangthou toh kipohlhimna a poimoh mahmah hi.

SUAHTAK NANG KOIAH?

Mi tampite'n suaktak theih na leh zalenna dingin khovel pilnate zangin thil tuamtuam a boh uhi. Huai a pilna uh koi ah? Kua apan ahia? Ei gingtun leng zanzat, suaktak theih nang Bible leh thumna i nei hi. Mihing in taksa thil ah huhi (air) leh ann (food) i poimoh hi. Himahleh khalam a dingin thumna tuh i hinna, i nakna ahi. Laisiangthou tuh i ann ahi. Ahihleh i naakna huhi leh i ann nikhat in bangzah vei i nei in i diik a le? Bangtan ann ngawl in i om ta a? Ann sawtpi nelou a, hun sawtpi naklou a i om leh bel si ding ihi.

KHELHNA APAN NA SUAHTAK ZOU DIAM?
Mihing in lunggimna a tuah chiangin hon bawlp a i mangngilh kha sek hi. Khovel lama kihei in suaktakna i

zong khanak hi. Khenkhat in a puakgik ua kipan suahtak tum in awklup, zu leh sa nek bang leh atuamtuam ahih uhi. Hiaiten suahtakna a pe thei diam? A suakta het kei ding uh, amaban uh meidil ahizaw hi. Meidil akipan kuamah a suakta kei ua, a koltang den zaw uhi.

Himahleh Jesu Khrist belte bel a suakta uhi. I lungkham, mangbatmate hon khamuan theitu tuh khovel pilna zon ahipen kei. Israelte Pathian in sal ah a tangsak zel a, a suahtaksak zel hi. Israelte sal a atan uh suakta thei nawn lou ding uh hileh Pathian in sal ah atangsak kei hial ding hi. Huaibangin mihingte leng Pathian in suakta thei ding, leh suaktakna lampi hon bawl sak ahi. Khialsa a piang himahlehang i suaktakna dinguh lampi bawltu tuh Pathian ahi. La in "Suahtakna thupi, suaktakna lamdang, khelhna kol bun a thumthum nawn lou, hizong suahtakna thupi ka neita" a chih bangin i suaktak theihna ding lampi omsun tuh Jesu Khrist keulu ahi.

SUAHTAK ZOH MABAN KOIAH?
Mosi in Israelte apikheta a, amaban uh tuh Kanan gam tun ding

hoihtakin agenjian hi: *“Mihing Eden khelhna a pukna ziakin, thilhoih, hotdamna tuntheiding himhim, septheihna amangsak hi; huchiin pianpih ngeina nei mihing lel honghi ahiltakmanin, hoihna toh akihua hi; khelhna a sisa ahihmanin, amah leh mah aki piangthaksak theikei a, piangthak dingin leng amah leh amah akisakhol theikei hi”* achi hi.

Khalam a sisa mikhial in Pathian kiang honnaih a ahong apianthak theihna dingin ahong hinkikphot apomoh hi. Ahihhangin asisa ahihmanin amah leh amah akihhing theikei, huaiziakin ahihhingtu hiam ahingsaktu a poimoh. Huaituh Pathian Kha-Siangthou ahi. Amen

BANGZIAKA SUAKTA THEI NA HIA?

Exodus 6:4-7
-John M. Dousel

Niteng a kolbun a om na hih lam na ki thei hia? Na kolhbut hon tolkhe theitu kua ahia? Na khelhna apan bangziak a suakta na hia? Jail tang bang hilechin na pawtkhiak theih na dia bang poimoh ahia? Sum!! Ei Khristiante a dingin bel belam sisan a poimoh hi, huai belam tuh mihing tapa Jesu Khrist ahi. Khros ah ahong si a, a sisan in ahong tankhia a, ni thum ni a thounnawnpa tuh i suahtakna ahi. Huaiziakin amah lam i naih theih na ding hunlem ahon bawl sak a, *“Kisik un Vangam anaita”* (Mat. 4:17) achi hi.

IKABOD

THUPINA IN ISRAELA PAWTSANTA
-Intern Pastor H. Thiankhanmuan

Khovel nam tuamtuamte I minphuah dan uh kibang veklou hi. Eimite tamzaw minphuahdan tuh a minphuaktu min tawpna, a minphuah minu/ mipa minbul ahi nuam hi. Unau Mizo lamte'n bel a lungsim ua theihsakna om bangbang in phuak mai uhi. Bangteng hileh, minphuaktu'n a minphuah omze neitak in phuak a, amah lungput leh mihinzia bangtan hiam a minphuah tungtawn in I thei thei hi.

I Samuel 4 na ah lungput diktak genkhiatna MIN kimu hi. Israelte' khangthu adia cheptetham zahlakna thupitak a tung hi. Pathian' Thukhun Bawm Philistiate khut ah Israelte' n a khahsua uhi. Pathian in a mite apan thupiak zuih ding lameng gige a, himahleh Pathian thupiak a zuihlouh chiang un melmate khut ah pukzel uhi. Siampu Eli' tapa nihte Hophni leh Phinehas gal mun ah si ua, Amah ngeileng Pathian' Thukhun Bawm a mansuahziak un puk in a si hi. Hiai thu a zak in, Phinehas' zi a nauvei in pha in tapa nei a, a min dingin *“IKABOD”* a phuak hi. Hiai min khatna *“Thupina in Israel a pawtsanta”* chihna ahi. Himahleh, huaitan ah Israel khangthu beilou hi. Hiai thu lungluthuai mahmah apan sinlai hohtak om ngei dingin ka lameng hi.

Khatna ah; Aphek a Galdouna tuh sawtkuamtak pathian dang bia uhi. Vv. 1-11 kikal ah kimu hi. Aphek khopi Mawkmai a biakna in Pathian tuh Philistia leh Israel gamgi a om ahi. (YAHWEH) lungkimsak zouding a na Hiai khopi ah kidouna nihvei om a, a masa in Israel sepaiah 4,000 thah in om uhi. A nihna ah 30,000 in sihbeh nawn uhi. Bangchituk a mulkimhuai kidouna mahni gintak dandan in ana thunun uh a, Galdouna mun ah om leh vualzoumai dingin ngaihsum uhi. Hiding hiam chih I lunggelna uah omthei maiding in um ing. Hiai galdouna 2te kikal in Israelte' n Shilo a Pathian' Himahleh, vuallelhna thupitak a tang Thukhun Bawm la dingin kisawl uhi. uh chih I mu ua, Pathian' Thukhun Israelte' n vaihawmmite hunsung in Bawm leng a khahsua uhi.

ahi. Eite leng a van gou luah dingin Pathian in ahon bawl a, tua mun tung ding a khaalzin ihi uhi. I lampaina ah siattheihna chi tuamtuam tampi om ding hi. Tua siattheihmate apan i suahtak zel theih na dingin Pathian in lampi tuamtuam ahonna bawl sak zel a, ahon sialsak lampite zuilehang van mun thupi i tung ngei ding hi. *“Himahleh huai lampi zuilouten*

sihna limguam lam tawn ding uhi” (Mat. 13:50)

Haksatna tawpkhawk na tuah chiangin lunglelken, Toupa ah na ginna koih in. Bangkim zaw Toupa apat ahi a, bangpeuhmah amah ze-etna leng ahithe ihi. Jesu it sem inla, amah ah suahtakna zong tawntungin. Huchi'n na suakta ding hi.

TULAI TUAILAITE LEH MISSIONS NASEPNA

Rev. M. Khamlianmang Coordinator (Missions)

Eklijiasti 12: 1 - Na tuailai nitein nang honsiampa leng theigige in, ni hoihloute a hongtun ua kumte a hongnai ua, Amaute ah kipahna ka neikei, na chih hun a hong tun nailouh laiin.

Tuailai day 2015 nuam leh manphatak a izat khitnung un, maban ah Khawmpi kithalawp huaitak leh ngaklah huaitak Tuailai khawmpi PYC 2015 zang ding a i kisak siausiaunawn lai un hiai thu I khawmpi a seminar paper dingte lak a khat toh leng ki tuakkha mahmah ahih man in kikum khawm lehng ut huai kasa.

Ngaihtuah masak ding: Thiltup in apii hinkhua chiha Laibu gelh tupa Rick Warren in, *“Bangchik ni chiang hiam in, Pathian ma ah na ding ngeingei diing a, huai hun in, “Toupa Jesu toh*

SINGNGAT PRESBYTERY ASSEMBLY 2015

Singngat Presbytery Assembly 2015 Lungthul (T) Presbyterian Church ah October 7 & 8, 2015 sung zat in om hi. Rev. M. Thangkhanmuan, Superintendent, SP in Officiating Minister hihna len in Elder 4 leh Deacon 6 ordained in om ua, Elder Emeritus khat piak in om hi. Singngat Presbytery sung a saptuam khua 12 te akipan in palai 46 in registration bawl hi.

Tunkimni nitak in mipi'n Pathian biakna, phatna leh thutak ngaihkhiaik neih hi a, nipini (Oct. 8, 2015) dak 6:30 AM in Sesseion khatna kipan hi. Hiai hun ah ordination service neih hi a, zinglam dak 8:30 AM in kizou hi. Zinglam dak 9:30 AM in session nihna pat hi a, vaihawmna a zat ahi. Singngat Presbytery Moderator Elder M. Vungzapau in vaihawmna makaih in Elder C. Thahthang in vaidawwna a gen zoh in thumna in hun honna nei zui hi.

Vaihawmna zoh in Singngat Presbytery Officers ding telna neih hi a, nitaklam dak 3:30 in session nihna zoh ahi. Palai paikhawmten ankuang umkhawmna neih zua-zua ahi. Nitaklam dak 4:30 in biakna kikhop neih hinawn a, Pastor V. Suankham in telching thak a omte thumsakna leh nagotna hun zang hi. Rev. M. Thangkhanmuan, SP in thutak genna hun zang a, thugen zoh in Pastor V. Suankham makaih in elder ordained thak mi 4-te toh sacrament, Toupa' Nitanan umkhawmna neih in om hi. Huchi'n Elder C. Thahthang, V/Moderator SPWC-2015 in SP Assembly khakna nei in zohna bawl hi.

Hiai tan honpi Pathian in thupina tangta hen.

Sd/-
Rev. M. Thangkhanmuan
Superintendent, Singngat Presbytery

01. Deac. (Emt) V. Tuangkam, Mualkoi PC
02. Nu Chinghau, Mualkoi PC
03. Mr. K. Paukhanson, Mualkoi PC
04. Zakai, Mata PC
05. Thangminlian, Saljang PC
06. Nu Paukhoman, Mualkoi PC

2016 budget dingin 56,400/- pomkipna nei ua, 2016 SLP vai paw ding anuai a bang ahi.

- a) SLP Officers 2015
- | | |
|-----------------|-----------------------|
| Moderator | : Rev. (Retd) Douseh |
| Vice Moderator | : Elder V. Nunlian |
| Secretary | : Superintendent |
| Asst. Secretary | : Eld. T. Kamsanglian |

- b) SLPWC
- | | |
|-----------------|--------------------------|
| Moderator | : Eld. Thangkhan Tombing |
| Vice Moderator | : Elder T. Piangkhanpau |
| Secretary | : Superintendent |
| Asst. Secretary | : Eld. Kounmang |

- c) GAWC Palai (mi 2)
- i) Elder Nangsuanpau
 - ii) Elder T. Tuanzagou

Hiai bang a lohchinna honpia, hun manpha hon bawlsak, leh a saptuamte hon makaihtu Pathiang in thupina tangta hen.

Report petu

Rev. G. Vungsangmung
Superintendent, SLP

bang a ana hih zel? chi a dot in na om ding” achi. Ahih leh ei Tuailai ten huai hun chiang in bang igen dia leh? Bangziak a Pathian nasep ngaia, panlak ngai hiam chih theih din poimoh isa, Marka 16: 15 leh Matthai 28: 19 imu thei. Hiai thupiak ei tuailaiten leng semsuah ding in mohpuakna inei. Aziak tuh leitung ah mi Crore 10 bang om hileh, croe 5 te tanchin hoih zanailou, theinailou a omlai ahi, India gam bang 3% Kristian hizoulou. Leitung pumpi ah niteng in mi-hing sang 60 val si a, minute teng in mi 50 val si, second khat zel a misi 1 om chihna ahi. Tuni in pan ilak theihna ding in – deihtelna ibawlsiam a, lungkimna, eimah kithuzohna, leh Toupa muann gamna poimoh mahmah. Aziak ahihle eilam a kimanna om chiang in midangte ading in khutzak in Toupa nasepna ah igah suang thei pan ding. Pathian’ nasepna alem leh sem ding, alemkei leh semlou a om ding chia a I om leh kismmanlou ding himawk. Paulam bawlnei chilehang tam lawding.... Ahihle, Missionary nasepna ah bang chibang in pan lehang isaptuam PCI in tua isen zah man seng in, igim zahmah agim in tua sang a gahsuah zaw, lohching zaw

leh kipak zaw in isem thei ding ua? Tuailai ten bang lam ah panlak na ding inei ding ua leh? Tuni in Tuailai ten missionary nna sem taktak ni ichih leh bang chibang a sem ding, koi ah, bang chi kuan ding, banglam a pan la ding chih leh missions nasepna bang ahia? chih thute theihleh sut poimoh hi. Hiai ah tulai toh kituak a Tuailai PYF ten missionary nna isep theih ding dan tamlou igen ding.

Missions abang ahia leh? – Missions toh kisai gendan leh theihshiam dan chi tuamtua a om. A tom agen in missions ichih thunih in agen theih- **khatna ah**, saptuam in khamangthang matna nasepna toh kisai nasepnate kia missions ahi. **Nihna ah**, Namdang, pautuam, tawndan kibatpilhough te kiang a missionary nasepna, Tangthupha gen tuh missions ahi.

Missions nasepna kikheng dan tangpi hiai bang ahi:

Amasa in Missionary te sawl a om chiang un agambuk (Continent) ah, Gam neuzodeuh (Country) ah. Tuhun in nambing (people group) chih ahita.

Sepdan leh Missionary sawl dan ah: Paidan tangpi – saptuam

cum- PYF Conference kithuah i maban ua o mi zat theih khak leh Mimbung PYFte, NE Khawdungsei PYF te ziakin hon ngaklah sak tuan mahmah hi. I thumna uah phawk chiat thei leng maw. I gam in am in halhthakna Toupa lam a kikhawn poimoh mahmah hang. Toupa lam a kik nawn in Pathian Kha Siangthou in ho nom pih chiat hen. – Eld. Pumkhanlian, Moderator, TP

Report petu
Rev. K. Dongkhankhup
Superintendent, TP

THE 5TH SOUTH LAMKA PRESBYTERY ASSEMBLY

October 10, 2015 zinglam dak 7:00 akipan nitaklam dak 1:30 tan Thingkangphai Presbyterian Church ah South Lamka Presbytery Assembly 2015 neih in om hi. Khotang buaina dinmun en kawm in vaihawmna, ordination leh commissioning service te lel zat in om a, palai 39 paikhawm uhi.

Rev. H. Chin Thiansong, Coordinator (Ministries) makaih in ordination service zat hi a, ordain thak a omte hiai anuai a bang ahia:

Elder Ordination tangte:

01. Thanglianmang, Mata PC
02. T. Piangkhanpau, Mata PC
03. V. Ginkhopau, Thingkangphai PC

Deacon Ordination tangte:

01. C. Liansangson, Mualkoi PC
02. Son K Tombing, Mualkoi PC
03. T. Lamkholian, Daijang PC
04. Dongzamuan, Mata PC
05. Khamsuanthang, Mata PC

School Teacher, Doctor, Nurse, Technology lam ah, Business lam ah, Civil service-central ah, Bank ah, Sports lam ah, Sepaih ah, politics (*tulai diak*) leh atuamtuan, student hikawm aleng sep theih ahi. Khovel mun tuamtua ah leng septheih adiak in South East Asia (Thailand, Cambodia etc) leh Asia gam Myanmar leh China chihte bang hiai bang missionary sepa kong kihong lellel hi.

Ahia a, hichibang tent making missionary gamdang hial a kuan dingte ahih leh training hoihtak laa a, saptuam theihphina a akuan ding uh ahoih pen ahi. Saptuam in commissioning abawl a full time missionary dan a et ding ahi. Himahleh saptuam lam apan sum leh pai a lametlough ua, saptuam a aki ngaklough ding uh, himahleh saptuam toh hoihtak akithuzak gige ding. Aziak tuh saptuam in missionary khat bang a pomna aneihte hita ding uh ahih man in sum leh pai a panpih kei mahleh saptuam missionary ahih man in damlough hitan tuah hun a apanpihtu masa ding saptuam mah hong hiding ahih man in.

Thukhitna: Mitamtak ten missionsary akuan nading a Pathian in sapna honzasak hiam saptuamte apan sapna hong omding pen ngak thoh mawk a om hilehang kilawm hi. En missionary hihtheihna ding lampi i zonding ana hi zaw. Johan 4: 35 “.....*Ngai un kon hilh ahi, dak unla lou khawng en un, tu mahmahin lak dingin a min ahi.*” Awlmoh a nei a, koi ah missionary nasepna apoimoh a, chihte ikan khiakding, bang chibang a septheih ding ahia chihte lungsim aneih hun lawta. Ephes. 5: 16 na in “...*hun na neihsung un a tamthei pen semzel un.*” II Kor. 6: 2 – *tu hun kipah huai leh hotdamna ni achi.* Esther 4: 14 na ah – “...*hichi bang huna bangmah gen lou a na daih dide leh...hun hichi bang ding a hong lal na hih mel kuan a thei a.*”

Heutupa Nengzakhup in hichi in achi “*Toupan kong a hon chiang in akhak thei om dia hia? Toupa kong akhak leh kuan hong thei dia?*”. Tuni a gam kihongte ahong kikhak hun hong om ding. Aki honlai a sem ding in kipanni. Nang tungtawn a aza nailou miten Gospel

in missionary lak a, loh nei a sawl ding chih ahi. Hiai pen tang a tuan a, isep dang tangpi uh ana hi tou tou hi in ithei.

Tupna (vision) leh maban a pai ding dan a hoih dia gntak tuh : Tulai hun a hih dia hoih mahmah tuh Government hiam private hiam a semkawm a tangthupha gen ding, huchi a missionary hih mai ding. Saptuam ten sum leh pai sen ngailou ding. Tuabang mite saptuam in missionary a pomna leh theihpihna piak ding, thumsak gige ding, kithuzak gige a panpihna apoimoh hun ua saptuam a hihtheih bangbang a panpih zel ding, sum leh pai hipah lou in, lam tampi ah panpih theihna ding tam mahmah ding hi.

Missionary dia deihhuai mite : Ahih leh Missionary dia deihhuai mite mibang chite ahia? Pianthakna diktak nei te – Abraham, Isai, Jeremia, Peter leh Paul te bang a Pathian sapna tang, athu mangding a mansa a oma, azat ding amansa a omte, Kris a ding akikem siangthou te, Laisiangthou limsak te, thumna awlmoh mite, sep ding khatpeuh sem ding a mansate, khamangthangte ading a thum lunglut mi, leh khamangthang te kiang a tanchin hoih gen dia kiman te ahi uh.

Eite bang ziak a missionary dia ikuan poimoh ahia – eimite Kristian ihih khitvek man in missionary nasep chihloh sep ding maban ineih louh ziaikin. Hiai a missions nasepna ding a poimoh mahmah igen tuh saptan **'TENT-MAKING'** achiuh – mahni siamna zanga kivak kawm a hihtheih khamkham a, hunlemtang muh teng a khamangthang matna nna semte genna ahi.

Hiai mite tuh atung a igente – mipiangthak, Pathian in asapte, atheihna uh zanga amau leh amau kitoudelh a khamangthang mante, saptuame'n a theihpih leh saptuam sawl khiak bang a koih a omte. **Etsakna in** – Paula – puanbuk bawl a kivak, Nas. 18: 3. William Carey – teacher leh khedap bawl kawm a missionary nasem, Watkin Robberts leh adangdang. Ahihle kuate tent – making misioanary hithei ding ichih leh, Siamna kichian khat peuh a neite, a tungtuan a siamna neite hoihsem, asiamna khat peuhpeuh zanga nekzong a, a hun tam theipen midangte kainga tangthupha genna a nei nuamte tent-maker a hi thei ding. Hichibang nasepna pen misissions agency hi chitchiatlou ah, Etsakna : Company, Government offices,

South Lamka Presbytery huamsung a 2015 sung a Bible simsuakte kipahman piakna Elder Thangkhan Tombing, Moderator, SLPWC makaih a neih in om a, anuai a te kipahman piak ahi uh:

01. Elder Gomlam, Thingkangphai PC
02. Mr. Lhunmang, -do-
03. Nu Helhing, -do-
04. Miss Nunhoih, -do-
05. Mr. Lamminhao, -do-
06. Ms. Chongneivah, -do-
07. Elder Kounmang, -do-
08. Ms. Lamdeihkim, -do-
09. Nu Kholzaning, Mata PC
10. Liangaihmem, -do-
11. Chingsuankim, Mualkoi PC
12. Vungkhanman, -do-

Rev. G Vungsangmung, Superintendent, SLP makaih in Emeritus piakna neih hi a, hiai hun ah Elder V. Paukholal, Mualkoi PC taksa kum 70 aphaktak ziaikin zahtakna leh pahtawina in Memento, Certificate leh sum 5,000/- piakkiakna nei hi. South Lamka Presbytery Huamsung report tomkim:

01. Inn om zah : 254 vel
02. Pastor omzah: 3
03. Elder omzah: 35
04. Deacon omzah: 28
05. 2015 sung a misi zah: 6
06. Nau piang zah: 8 vel
07. Thumkhamna SLP nihvei dia thupuk pen khatvei kinei, nihveina ding sam lai.
08. 2015 sung a Emeritus muzah: 1

Rev. H. Chin Thiansong, Coordinator (Ministries) makaih in 2015 sung a SLP sung a phamsate sunna neih hi a, anuai a te suun thu puan ahi.

Tangthupha azak ding uh Pathian in deih ahihman in kuan inla sem in. Aziak tuh huntetui banga luangliamzel mahbang in niteng in

iseplouh ziak in tampi mangmang mawk uhi. Simtute Pahtian in hon zualzawl chiat hen aw.

Reformation Sunday Cheplawk Na

MARTIN LUTHER LEH A THUGELH 95 TE

Rev. G Pau Muanthang

(Hiai thu September Issue a hong kisuah, kha khat tawm kan a sutzop nawna ahi. - Editor)

45. Khristian khat a innveng tasama aomlai a aman Ngaihdamna Lai a lei leh Pope ngaihdamna a tel ahisanga Pathian thangpaihna tokthou lel ahi chih sinsak ding ahi.
46. Khristian neih leh lam a kan a val a nei ahihkei ngal leh, Ngaihdamna Lai lei a sum apaihman sanga a innkuan kep nadia zat ding chih sinsak ding ahi.
47. Khristiante kiangah Ngaihdamna Lai lei pen phutluh hiloua deihtel na a kinga lel ahi chih sinsak ding ahi.
48. Khristiante kiangah Pope in Ngaihdamna Lai a zuakna ah a sum sanga amah a dia ginomtaka thummi poimoh zaw ahi chih sinsak ding ahi.
49. Khristiante kiangah Pope' Ngaihdamna Lai a muanna akoih kei nak uleh phatuam ahi chih sinsak ding ahi, a ziak tuh kua hiam in huaia muanna a ngak leh Pathian lauhna amansak ziak in.

Presbytery Youth Fellowship

Chairman	: Deacon T. Lianlemthang, Thanlon PC
Vice Chairman	: Deacon Suangoumang, Songtal PC
Secretary	: G. Thanglamchin, Mimbung PC
Asst. Secretary	: Deacon Thianlam, Mualluam PC
Fin. Secretary	: V. Pumthianmung, Sinzawl PC
Treasurer	: Miss Venkim, NE Khawdungsei PC
Members	: Khochih apan member 2 nget ding
Adviser	: Pastor G. Paukhsiam

Moderator, TP akipan kup beh: Superitendent report na in leng uapka vek thou mahleh ka genbeh nop zek tuh i gam, in am leh Pathian saptuamte Pa Pathian Kha Siangthou in hon taisanta hoih ahi tam maw? Tang leh phai ah saptuamte kihul thei mahmah chi a khalam a dangtak a ngaihtuahna ka neih lai in, leh Presbytery khawmpi program bawl na ve hangin, i tulai buaina toh kituak lou lua houh ahikha de aw chi a heutute leh Pathian dong kawm zel a patau kawm tak a om a, lah tawp ding sim thu lah leh ngam vet lou a ngaihtuahna buaitak a ki omlaitakin unaute,- 1) Niangneihkim@Kimboi 2) Chingbiakhoih 3) Chingsanglawm 4) Nu Ngaihlian 5) Nu Niangkhanlun te' tungtawn a Pathian Kha kithuahpihna tangin khawmpi tuipai tak mai in khitui naptui toh kizang zen houh a, lamdang kasa lua!! Hiai bang khawmpi ka tuak kha mun het kei. Ka naupan lai a Pastor Lamgin, Pastor Kaineng-te hunlai bang ka phawk thak hial. Thugenpi Rev. Khamlianmang, Coordinator (Missions) in Toupa lam ah kik nawn thei kua teng i om ua? chi in alter call hon bawl a, tamtak kipekhia hi. Songtal PYF ten mangpha khakna la, "Mangpha, Mangpha manni" chih la hon sa uh, mipi leh lasate khut kivai tuah siausiau!! Superintendent in khawmpi khakna nei in khamlou takin kikhen ung!! Pathian in thupina tang hen.

A tung ah mimal min leh khua min ka lohkhak tuamte kizahlaksak tupna/ kitawesung tupna hiam ahikei a, kuapeuh in i thumna ua i theih ding uh ka deih ziak ahi. GA-

02. Deacon L. Thangmang, Bukpi PC
03. Deacon Suangoumang, Songtal PC
04. Deacon S. Ginmuan, Kaihlam PC
05. Deacon L. Nengkhopau, Tallian PC
06. Deacon Ginzamuan, Tallian PC

2016 Thanlon Presbytery vaipaw ding kitelna anuai a bang ahi.

Presbytery Officers 2016

Moderator	: Elder H. Pumkhanlian, Songtal PC
Vice Moderator	: Elder TK Zama, NE Khawdungsei PC
Secretary	: Superintendent
Asst. Secretary	: Deacon L. Nengkhopau, Tallian PC

Presbytery Working Committee

Moderator	: Elder Ngulzakhm, Sinzawl PC
Vice Moderator	: Elder Thangkhanpau, Thanlon PC
Secretary	: Superintendent
Asst. Secretary	: Elder V. Thianmuanlian, Songtal PC

GAWC Palai

01. Elder T. Thangzakhm
02. Elder Zamkhum

Presbytery Women Fellowship

President	: Nu Mankhongai, Bukpi PC
Vice President	: Nu Niangkhanvung, Mualnuam PC
Secretary	: Nu Pauzaniang, Bukpi PC
Asst. Secretary	: Nu Nemzachiin, Mimbung PC
Fin. Secretary	: Nu mangnu, Sinzawl PC
Treasurer	: Nu Kimchhungi, Mualnuam PC
Members	: Khochih PWF President leh Secretary
Adviser	: Pastor Nanglian Tonsing

50. Pope in Ngaihdamna Lai zuakte thil hih leh nasep thei hileh a kep belamte vun, sa leh guhte a St. Peter biakinn tunding sangin vaivut a suah ut ding chih Khristiante sinsak ding ahi.
51. St. Peter biakinn bang zuak hita leh, huai Ngaihdamna Lai zuakte apan amah mah sum a thoha a lei dia kilawm ahi chih Khristiante sinsak ding ahi.
52. Pope hi'n a palaite hileh leng a kha uh Ngaihdamna Lai tungtawna hotdam ding chih zaw thuzauu leh manna bei ahi.
53. Biakinn khata Ngaihdamna Lai tangkoupah a, biakinn danga Pathian' thutak tangkoupah ding khamte zaw Khrist leh Pope melmate ahi uhi.
54. Pathian thugenna a kua hiamin Tanchin Hoih sanga Ngaihdamna Lai toh kisai atam zaw hiam ahikheileh a sawt zaw hiam a gen leh Pathian thu a zangkhial ahi.
55. Pope ngaihdanin hiai a pelh louh ding ahi: Ngaihdamna Lai-huai tuh a niampen-tuh dak khat leh kipahpihna lamzuih khat kia ahik ding, huan Tanchin Hoih- huai tuh a sangpen-dak za leh kipahpihna lamzuih za toh lop ding ahi.
56. Saptuam' sum leh pai te toh kisai saptuam mipite theih din kichiantakin Pope in apuangkhe ngei kei.
57. Huchibang sum leh pai te tuh tomchik sung a ding kia hilou hi chi'n Pathian thugen tamtak te'n akai khawm uhi.
58. Hiai in misiangthou leh Khrist deihsakna tangsaklouh kia gentaklouh Pope panpihna tellouin mihing sungah hehpihna na semin, Kross, sihna leh khenkhat a dia gawtmun bang ahong hi hi.
59. St. Lawrence in mizawngte sum koikhawm tuh khotang leh saptuam' sumbawm achi, huai tuh huai huna thukigen dan ahi.

1. Vungbuk East
 2. Tallian
 3. Kaihlam
 4. Mualnuam
 5. Panglian te a hi uh.
- Hiai kum mah in saptuam a department khenkhat leng phuh khiak in om hi.
- Tuate :-
1. Mission Board – 9th September 1984
 2. PWS (Tua PWF) – 16th September 1984
 3. PYF – 25th October 1984

PWF Centre board din khiak ni :- 5th Feb 1997 (Rayburn ah)
 PYF Centre board din khiak ni :- 23rd Feb 1987 (Vungbuk ah)
 1984 kum in General Assembly ki neilou ahik man in 1985 Jan 8 -10 in General Assembly Mualkoi biakin ah ki nei a, tua hun in Pastor 5, Elder 2, leh Deacon 5 te Pastor Rualzakhm in ordain na pia hi.

Pastor te :-

1. Pastor Daizagin
2. Pastor Thawngsiam
3. Pastor Khamthawng – Retired
4. Pastor T.S. Thangta – Retired
5. Pastor K. Vungkham – Tu kum 2015 a Retire tading.

Elder te :-

1. Elder Nengkhm – Panglian
2. Elder Khaizachin – Vungbuk

Deacon te :-

1. Deac. Khengin – Mualnuam
2. Deac. Thianpi – Vungbuk
3. Deac. V.Tuankam – Mualkoi
4. Deac. Phungpau – Mualkoi
5. Deac. T.Thangzakhup – Mualkoi

PCI (R) Mindik tak :- PRESBYTERIAN CHURCH IN INDIA (REFORMED)

**PCI (R) din khiak ni diktak :-
20th April, 1984 (Good Friday nitak)** I Saptuam din khetute lak ah leng mi bangzah hiam te'nei mah deih tel theihna khovel a om i hih dungzui in amau deih telna leh lunglut zawkna dungzui in pawl (Saptuam) dangah honna ki heisan uhi.

Amaute:

1. Late T. Ginhang - Sabbath (Judaism)
2. Thawngkhopau-Sabbath (Judaism)
3. Vungpum - United Pentecostal Church (UPC)
4. Phungpau - United Pentecostal Church (UPC)

Toupa'n I Saptuam hon vualzawl zel hen.

72. Himahleh, hukna leh Ngaihdamna Lai phalna dal peuhmah vualjawlin om hen.
73. Pope in amah dikna zangin lam tuamtuama Ngaihdamna Lai zuakte dal sawm peuhmah a hankhum zel hi.
74. Himahleh itna siangthou leh thudik gumte tuh nakzawsem in Ngaihdamna Lai paulamin a hankhumzel hi.
75. Pope Ngaihdamna Lai in bangchi bang khelhna mulkim huai hih mi gentaklouh Pathian' Nu tunga khelhna nasan ngaidam thei ahi chih ngaihdan neih tuh haina ahi.
76. Himahleh eaten ben a lehlamah Pope Ngaihdamna Lai in khelhna neupen leh kimohsakna neupen leng a ngaidam theikei i chi uhi.
77. Tunin St. Peter hial leng Pope hong hi bang hita leh leng hehpihna thupizaw a pethei kei chihthu a om hi, huai tuh St. Peter leh Pope gensiatna ahi.
78. Himahleh eiten bel a lehlamah tua Pope leh Pope khat pepeuhin hehpihna thupizaw piaktheihna-Tanchin Hoih, thuneihna, hiidam theihna thilpiak, leh a dangdang a anei i chi hi (1Kor. 12).
79. Kross leh Pope khutte kizom a Khrist Kross toh manphatna kibang ahi chi a Ngaihdamna Lai tangkoupilhte thugen tuh, gensiatna ahi.
80. Bishops, saptuam biakna makaite leh Pathian thusiam huchibang ngaihdan mipi laka genna dia phalna pete'n tuh amoh akipauk ding uh ahi.
81. Hiai bang khamna omlou a Ngaihdamna Lai genzakna in mipil misiamte a dingin Pope ngohna dikloupi a ngoha aom chiangin leng gup na ding lampi haksak sak mahmah hi huakia gentaklouh minautang lak a pilkelte gensiatna nasan leng.

60. Eiten bel zumna tel hetlouin saptuam chabi Khrist deihsakna tungtawnin i tang, huaite tuh a gou ahi.
61. Huchiin Pope ngaihdam theihna thuneihna tuh amah adia koihbik thute ah a hun hi.
62. Saptuam gou diktak leh hoihpen tuh Kha Siangthou Pathian' thupina leh hehpihna ahi.
63. Hiai gou kichi tuh huat huaipi ahi, a ziak tuh amasa ding pen a nanun ziaikin.
64. Hiai Ngaidamna Lai gou a neih tuh thukim huai pen ahi, a ziak tuh a nanung pen a masapen a koih ziaikin.
65. Huchiin Tanchin Hoih gout uh len bang ahi, huai zangin nidanglai in miten mi leh Sum haute a man zel uhi.
66. Himahleh tulai Ngaihdamna Lai len zang in miten mihausate amanta uhi.
67. Huai Ngaihdamna Lai, thugenten hehpihna thupi ahi chia a gen uh tuh, punna ding a uanggen zahzah ua, hehpihna thupi taktak ahi.
68. Himahleh huaite tuh Pathian' hehpihna leh Kross toh tehkaka thil neupente ahi uhi.
69. Bishops leh saptuam biakna makaite'n hiai Pope vaihawmte Ngaihdamna Lai tuh aloutheiloua zahtakna toh san ding uh ahi.
70. Himahleh amaute'n tuh pilvangtakin hiai mite'n Pope thupiak sanga amau hisapna thulel gen uh ahi hiam chih hoihtaka etkai ding amohpuakna uh ahi.
71. Sawltakte ngaihdam dikna gen peuhmah tuh mohpoih leh hamsiat in om hen.

Presbytery-te apan report:

THE 12TH THANLON PRESBYTERY CONFERENCE 2014

Khovel haksatna leh gamsung buainate kal ah The 12th Thanlon Presbytery khawmpi nei thei dia hun hoih leh manpha hon bawlsak i biak Pathian min phat in om hen. "I lampite zong in enchian ni, Toupa' lam ah kik nawnni" (Kahlate 3:40) chih thupi a zangin October 2-5, 2015 sung Thanlon Presbyterian Church ah neih in om hi.

Khochih report apan muh dan tangpite:

01. Inn om zah 271
02. Member om zah 1462
03. Elder 41
04. Deacon 28
05. Khawmpi hoh tengteng 173
06. Vaihawm upa (Delegates) 38 paikhawm
07. Khawmpi sung in zing devotion 2 vei kinei.
08. Biakna kikhop 4 vei om

Khawmpi hun sungin Ordination Service leh thu & la kidemna leng zat in om hi. Thugentu in Rev. M. Khamlianmang, Coordinator (Missions) pang a, Kha lam ann limtak hon luikhia a, kipahna thupitak ki-ngah chiat hi a theih ahi. Kha pollhna ziak in biakna hun dakkal 2 sang a tom zaw kizang ngeilou hi. Devotion hunte ah Pastor Nanglian Tonsing leh Pastor (Int) S. Kamdoumang Ngaihte in thugenna hun zang tuaktuak ua nuam thei mahmah hi.

Rev. M. Khamlianmang in Officiating Minister hihna la in upa thakte ordination piakna nei a, ordination tangthakte ahiehleh,-

01. Elder Dalsuanthang, Mimbung PC

82. Ahiehleh etsakna dotna khat: Ahiehleh Pope in khathe hotdam theihna nei ahiehleh bangziaka misi khua a hotdamna poimoh tengteng hunkhe mailoua, haksataka mite sum kaikhawma biakinn a bawl ahi ding? Dotna masa tuh thudik ahi, a nihna pen poimoh pen lou maithei.
83. Ahiehleh bangziaka misisate sihni leh vuina hunte zanga zat a om nilouh ahia? Ahiehleh bangziaka Pope in amau min a sumthoh sumpite bek leh kikhlo ahia? A ziak tuh tatsate a dia thum a ngaihawnlouh ziaikin.
84. Ahiehleh, Hiai Pathian' mitna thak bang chibang hita migilou khat Pathian awi ngeilou khat a dia sum a om nak leh a kha pen misi khua apan tatkhiak ahieh theiha, Pathian awi mi khat sum leh pai piak ding neilou itna ziak kia liaulau hihsak ding pen nawlkhin a om mawk?
85. Bang ziaka Lai Siangthou kisikna dante zatnawnlouh, sita leh saulua sakna om ahi? Tu a bel Ngaihdamna Lai alungkima ahing leh nasemthei dan bangziaka ngaihtuah?
86. Bangziaka Pope khovel mihausate penpen sanga leng hauzaw khatin, bang ziaka amah sum zanga St. Peter biakinn lam loua mizawngte sum lakkhawm a abawl sese?
87. Ahiehleh, mi kisikna diktaka kisik ngaihdamna ding kham leh hamphatna tang dia tuakte tungah Pope in bang hamphatna pia in, bang tantuan a pia a eita?
88. Pope in khatvei kia ahieh a bawn hamphat na om ahiehleh, nikhatin za vei hih leh bangziaka saptuamin hamphatna thupi tanglou ding ahia?
89. Ahiehleh Pope in a gendan apan sum leh pai sanga ngaihdamna poimoh zaw ahi a chih ngal leh, bangziaka hunpaise a ahiesiangthou dan kibang Ngaihdamna piaksate bangziaka nawlkhinsak mawk ahia?

4. Elder (L) T.Thuangkhopau
5. Elder (L) T.Sinkhokam
6. Deac. (L) V.Tuangkam
7. (L) T.Thangvum
8. (L) T.Tualkhothang
9. (L) T.Ginhang
10. (L) N.Zamsiam
11. (L) Mrs. Lianvung
12. Elder T.Thangzakhup
13. Vungpum
14. Elder Dr. L.K.Tombing
15. Phungpau
16. Thawngkhopau
17. V. Kamkhanthang

Hiai ni (20-04-84) nitak mah in seassion kitel na leng kinei ngal hi. Hichi bang ahi :-

1. Moderator :- Elder T. Thuang khopau
2. Vice Moderator :- Elder T.Tualzachin cum Treasurer
3. Secretary :- Dr. L.K.Tombing
4. Asst.Secretary cum Finance :- Eld. T.Sinkhokam

Huan hiai nitak mah in meeting kinei zui ngal in thu pukna hiai bang in kila hi. Dt. 29-04-84 (i.e Pathianni nawn) tan a saptuam om na lui a pan a kitawp n alai piak chiat ding chi in ki thupuk hi. Tua dung zui in mi 15 ten kitawpna lai kipia a,

himahleh lem tan louh na khen khat ziak in unau te mi nih Dr. L.K.Tombing leh unau pa V.Khamkhanthang ten kitawpna lai a piak louh ziak un inn 15 milip a si asen a sim apiang dek tak te simtel lou deuh in mi 90 geih kipha hi. Huchi in Dr. L.K.Tombing pen secretary dia guan himah leh omna lui saptuam apan tawp lou ahieh ahieh man in Sangkhat za kua leh ahieh man in amah mun ah Elder T.Sinkhokam secretary cum Finance din ki koih ta hi. Himahleh Dr. L.K.Tombing pen i saptuam PCI (R) ah a lunglut na bei theilou ahieh man in Sangkhat za kua leh sawm kua leh bang zah hiam kum in PCI (R) ah hong lut taktak ta in Upa (Elder, Emt) pension bang mu in tuni tan in muanhuai leh gin om tak in om lel hi.

Gen beh zek leng Pathian in Saptuam a hon pat khiaksakte thawm hau, pangpa lua a om ding hon phallou in EBCC te Pastor Rualzakhm zot a a om dungzui in a hon pomsak a June 1984 in Pastor ding in ki la lut a, organising Pastor min piak in om hi. Hiai kum mah 1984 in saptuam kho nga in hon zawm uhi. Tua kho nga(5) te :-

thumang tak in ka om ding uh na chi uh hiam a hih keileh Saptuam dang ka din ding uh na chi uh hiam, nou thu (deihnelna) a kinga ahi chi in thu tawp pia hi, hiai thupukna 1983 GA ECC in Reform gindan pom theih louh pen uh 12th January 1984 in ECC General Secretary Rev. T. Jamkhothang in Local chih ah hawm zak ta hi.

Hun hong pai zel in ECC in heutupa ui ekku mah bang khop a bawl in thu tawp peta uh ahih man in a man leng Presbyterian Church in India Reform phuhkhiak sawm in pan hon la taktak ta a Committee khat din khia hi. Hiai ah thu kal zeh bang deuh sim in theih dia hoih khat om hi, North Lamka Presbytery PYF ten PCI (R) founderte lem Head Office ah a hon tak khia ua kipah huai lua, Head Office ah founder te lem ki tak khe hak lua hi zomah hi. Himahleh PCI (R) phuhkhiak lai in inn 17 pen inn 18 hon phasak uhi, a ziak a hih leh Unau pa B. Kamkhanthang a hon tel sak ziak uh ahi hi. Amah unaupa B. Kamkhanthang pen den a i gen mah bang in heutu pa n Committee khat a na phuh lai in Secretary khat in na guang hi, amah heutu pa B. Khamkhanthang ngei in leng 1978

kum in Presbyterian te chawm in BTH, Kanpur ah ana zou ahih man in Reform gindan a na pompoh mahmah hi. Huchi a lunglut tak leh Saptuam din khiak kal ngaklah tak a om himahleh Committee pen lah Function lou phet lou in amah ngah lah banga saptuam ding khe theipah lou ahih man in ngak man nawnou in ana nuak mata hi, huai ziak in saptuam din khiak ma leh nung in leng hong ki lang kha nawn lou hi, huchi in amah pen ahih leh 2004 kum in EBCC khawmpi ah Rev. L. Khamkholun in Upa hi ding in Ordain na pia hi. Huchi in ginom leh kuhkal tak in a om na phailian saptuam (ZOAN) ah a sih n 10-09-15 tan ana om den ta hi.

Huchi in hunte hong pai zel in ana ni akha leh ahun hong tun petmah ta in date 20-04-1984 Good Friday nitak in Upa (L) T. Tualzachin inn ah Presbyterian church in India (R) saptuam thak liklek vuah delh louh heutupa Rev.(L) Vung D. Tombing makaih in in kuan 17 in abul ana pan khiata uhi.

Amate:-

1. Rev (L) Vung D. Tombing
2. (L) T. Tualthang
3. Elder (L) T. Tualzachin

90. Hiai ngaihdante hoitaka theihsiamsakna tellou a thagum leh namphua mite hihnain saptuam zahlakna taklatna leh Khristante sukthangpaihna ahi.
91. Huchia Ngaihdamna Lai pen Kha dan leh pope lungsim banga tangkoupoh hileh, hiai thu theihsiamloute aom kei dia, pian leng a piang kei ding hi.
92. Khrist mite laka muanna omloupi a "Muanna, Muanna" chia tangkoupoh jawlneite hih mangthat ding ahi.
93. Jawlnei Khrist mite laka "Kross, Kross" chia kross omlouhna muna tangkoute phatin om hen.
94. Khristiante tuh amau Lutang, Khrist tuh thuakna, sihna leh gawtna lakah leng ginomtaka zui ding a hasot ding ahi.
95. Huchia muanna kamchiam maisanga haksatna tampi toh vangam lut ding uh ahi chih kimuangamna piak ding ahi.

TUAILAI ETON TAK

Unaupa Mr. T. Pumsawmlal, Army Clerk, 4th Gorkha Regiment. Army HQ. Shimla, Jamu & Kashmir a om s/o Elder T. Khupzalam, Singngat Presbyterian Church in Missions nasepna ding in Head Office ah Rs. 10,000 (Sing khat) hon khak aki muh man in kipahhuai kisa in tuailai hichibang I saptuam in ineih etton tak mahmah ahih tak latna in hiai I messenger deih thoh huai tak uh tungtawn in hon ki taklang hi. Pathian in aseppna ah lohchinna leh lamzanna pia hen chih I thumsakna leng ahi baw.

Coordinator Missions, PCI(R)

PCI(R) DIN KHIKNA LEH DINKHIAK DAN

Elder T. Thangzakup, Mualkoi PC

Mi khenkhat te a din chim tak huai pi leng a hi mai thei na a, Pathian in a gam na i sep pih ding Saptuam hon behlap zel a hon vualzawl zelzel ahiman in i Saptuam tan chin a bul abal a theilouleng a tam zaw tham bang ki hi ta di a hih man in a kal laklak a tak lat zel bang leng poimoh sakna ka neih ziak in tamlou hon tak lang leng ka ut hi, phet lou in i Saptuam Calender uh bang i et Chiang in Presbyterian Church in India Reform (PCI R) din khiak ni bang leng ni nih(2 days) bang i phasak sek ua, (PCI day, PCI Sunday) a ni dik tak theilou te leh a hong lut thak khen khat ten buai pih mahmah uh, a koi zo pen a hia chi pawl leng tampi om uh ahih man in a ni dik tak pen mah Chiang tak in taklang thei zel leng hoih mahmah ding hi, hoih tak a a ni zang or lawm nuam te a dia a buai louh na ding un, a lawm nuam or a zang nuam i om a i zat theih liai leh a ni tek – tek mah zang thei leng bel hoih mahmah ding hi, a ziak bel ei Saptuam ni ahi a, mi dang (Saptuam dang) ten zaw hon phawk phak pih louh ding ahih man un ei anei tu ten i poimoh ngaih di ua hoih mahmah ahi hi, huan a min bangleng mun khen khat khat ah Presbyterian Church of India chih bang a gelh khak na bang leng om zawmah lai hi, Presbyterian Church of India a hih leh Tuita phai Presbyterian ta ahi ua, a mau toh ki theih khen na dia en Presbyterian Church in India chi a amin ki phuak a hih man in ei te Presbyterian Church of India hi lou in, In India hi zaw ihi uh, Eh! A ni diktak leh a min hoih tak a i theih chet ua i hih khelh nawn louh di uh ka deih luat man in sau ka hon gen lokha a, i gen ut pen bang gen khalou dek zozen.

I gen nop pen tak ahih leh kawm a doh khiak et ton a gelh i saptuam kipat na dan leh a ziak hilou in lung tang sung a kep a om ban ah mi khen khat te buai simsim ahih man in a kum bangleng hong nate theih dan dan a hon gelh sawm tam sim ta kum 30 val bang hong kahi hi. Himahleh laibu lui or file hita a hih man in theih khelh, theih

khak louh bang leng om thei ahih na ah a dik lou kha leh gelh khelh khak a om leh leng hon ngai siam a adik hon hilh ding in leng ka hon ngen masa hi.

Pawl khat peuhpeuh din khiak (Phuh khiak) a hih Chiang in a ma kai (a ma phu) heutu a om masak poimoh ahih na ah ei Presbyterian church in India leng phut khetu khat a om ahih man in a mah tan chin leh a hong din khiak pih dan gen nuam i hih man in a tan chin dang tampi genlouh in Saptuam toh kisai in tamlou gen leng chi ihi. Amah hiai Presbyterian Church In India Reform hon dinpih tu Pu. Rev.(L) Vung D. Tombing ahi hi.

Heutupa Rev.(L) Vung D.Tombing 1974 kum in U.S.A ah laisiangthou sin in kuan a M.Div va zou hi. A ban M.Th pen zou manlou in 1977 kum in heutu pawl khat in Lamka College phuh khiak sawm in pan ana la in, Lamka College ana pan ua, tua ah Principal hi dinga a sap ziak un a mah ngei leng laisiam leh lailam lunglut mi ahih zia kin hong pai a Lamka College Principal masa pen hong hita hi. Huchi in amah pen michitak leh fel hun tawk ahih ban ah saptuam lam ah leng kizang tou

zel in ECC (tua EBCC) ah leng pan mun poimoh tak tak leng a na len tou den in amah hatna ziak in ni dang a Convention Press leh tua Grace Bible College te leng ana pat khiak pih hi. Phet lou in School lam ah leng Board Chairman khawng in ana pang hi, huchi in a Bible zil na apan in Presbyterian thugin Bible toh ki tuak a hih dan hon musuah ahih man in School managing Board chairman a hih lai in hiai thu gin puan zakna lah hi pah ding School subject te laibu te bang hon gelh in A tomzaw thu ki dawng a sau zaw thu ki dawng chih te hon bawl hi. Huchi a Presbyterian thuginpita a hon gen touh touh Chiang in heutu dangte (EBCC a heutate) toh hong ki tuak nawn lou uhi, himahleh aman a thu in hon pom pih un lan ken ka gen nawn kei dia huchi in i sem khawm di uh chi hi, himahleh tua tan leng pompoh thei lou uhi, huchi in hunte hong pai zel in kum 1983 ECC (tua EBCC) kum tawp General Assembly ah General Secretary Rev.(L) T. Jamkothang in Presbyterian gindan (calvin gindan) pom theih ahi kei chi in report pia in puang khia hi. Huchi in, nou Presbyterian Reform gindan pom ten dai sipsip leh

November
2015
Presbyterian Church in India (Reformed)

pci
MESSENGER

Pathian venna toh
buh lak
hun nawnta..
Pathian kiang kipahtu genni.



If undelivered, please return to:

The Editor
PCI Messenger
P.O. Box -32, Presbyterian Church in India (Reformed)
Head office : New Lanka (H) 795128
Manipur, INDIA

BOOK POST

To:

PRODUCTION TEAM

Editor

Rev. Khen P. Tombing
C/No. 9862088190

Jt. Editor

Rev. H. Chin Thiansong
C/No. 8731850322

Contributing Editors

Rev. G. Suanzalam
Rev. Khamlianmang
Eld. T. Khupzadou
Eld. Langkhanpau Guite
Eld. N. Thangzamawi

Cir. manager
Mr. C. Biaklun

THU TUUNTE

Editorial	01
Bangziak a suakta?	02
Tualai & Missions	04
Nartin Luther thugelh	08
PCI (R) dinkhiak dan	14
Presbyteries reports	19
I kabod	27

Head Office

Presbyterian Church
in India (Reformed)
Box -32, Hebron Veng,
New Lamka 795006
Manipur, INDIA

Subscription Fee

Rs. 10/- per copy or per month

Website of the Church

<http://www.pcireformed.com>

A sung a thu
kisuahthe editorial board
ngaihnan ahivek
kei.

Printed, published and edited by Rev. Khen P. Tombing at Diamond Offset
Press for the Presbyterian Church in India (Reformed)

mahmah in taisanta a sa uhi. Himahleh, Pathian in a mite kianga a kipuanna tuh tuabang hilou ahi...Pathian tuh Pathian' Thukhun Bawm banga melmate khut a om a henchip, ahihkeileh, mun khat a kipan mundang a kisuan Pathian hilou in, Amah a mite taisan ngeilou Pathian, amaute' don a kem gige Pa ahi zaw hi (Cf. Gen. 12:1-3, 7; cf. Matt. 28:20).

Tua ahiman in, Israelte'n Pathian' Thukhun Bawm a khahsuah ziak un Pathian toh kizopna bei a sa uh ahi maithai. Huai hizawlou in, Pathian thukhun zui lou a, a ginomlouhsan ziak un Pathian' vualzawlina a tanding bang uh khahsuah ahi zaw uh. Pathian' dan a nelhsiah ua, huaiziakin Pathian' thupina in amaute taisan ahizaw hi (v. 22; cf. Exo 19:5-6; Ezek 10). A khasia ua, a bei dong ua, kipahna mel himhim a langsak theikei uh. Ahi, Pathian' Kha tellouhna ah kipahna a omtheikei. Sam gelhtu'n 'Nangmah a na mite a kipahtheihna ding un, na honhill nawnkei dia hia Toupa aw' a chi hi. Khamah a

keu leh kipaktheilou I hihlam uh a changchang in hong kilangkhe sek hilou maw... nang hinkhua mahmah a hiai thu in gennei ahihlam theiloulai na hihleh, 'IKABOD' chih nang a hong hikha maimah diam?

Na hinkhua a Pathian in hon gamlat hi a na kitheihleh, hiai thu ngaihsun/lunggel thak in: Amah tangtawn a dang ngeilou, a omna mun kisuan ngeilou ahi. Aman eite a dinga hon thuchiam tuh "Hon naih un, huchi in ka hon naih ding hi" (James 4:8; Heb. 10:22) a chi hi. I nam in tulel a haksatna I tuah uh Pathian' hon taisanna hilou ahi. Pathian' muanhuaina tuni' n zongsuah thak ni. Aman hon pampailou ahi, Adeihdan apan lam pialkha I hizawkha ding uh. I tung ua hongtungte I hoizawkna ding ua Pathian in hon tungsak ahi zaw (Rom 8:28). Samuel khatna I ettouh leh Israelte vualzohna Pathian in a tun veve hi. Eite'n leng, Pathian in tulel a I haksatna ua kipan, hon suakta sak ngeingei ding ahi chih lametna I nei ding uh.

REHOBOTH AH KITENNA PAWI

Rehoboth PC ah apaisa Nov. 1, 2015 (Pathianni) in nupa kitenna pawu thupitak zang ua, kop kua (9) in kitenna neikhawm uhi. Bialtu Pastor G. Goukhansiam in kitensakna hun zang hi.